



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

გოუბარი ემ

გოუბარი (Gobar) ემ (დ. 1930, ფოთი), ამერიკელი ფილოსოფოსი. ტრანსილვანიის უნ-ტის (ლექსინგტონი, კენტუკის შტ.) ემერიტუსი, საქართვე. ფილოსოფიურ მეცნ. აკად ნამდვილი წევრი, წარმომადგენელი ქართველი.

8 წლისამ მშობლებთან ერთად დატოვა სამშობლო, თავდაპირველად გაემგზავრა ევროპაში (ბულგარეთი, იუგოსლავია, ჩეხოსლოვაკია, გერმანია), შემდეგ ამერიკაში, სადაც მიიღო ფილოს. განათლება, დაიცვა სადოქტორო დისერტაცია (1959, უისკონსინის უნ-ტი) და გამოაქვეყნა გამოკვლევები მეცნიერების ფილოსოფიისა და სიცოცხლის ფილოსოფიის დარგში. თანამშრომლობს ევრ. და ამერ. წამყვან ფილოს. ჟურნალებთან.

ჟენევაში სამეცნ. მივლინებით ყოფნისას (1959-61) დაუახლოვდა გამოჩენილ შვეიცარიელ ფსიქოლოგს. ჟ. პიაჟეს. შეიმუშავა ორიგინ. ფილოს. თეორია „დიალექტიკური რეალიზმის“ სახელწოდებით, რ-იც ვრცლად წარმოდგენილია მის მონოგრაფიაში „ფილოსოფია როგორც უმაღლესი განმანათლებლობა“ (1994). გ. ავტორია მრავალი სამეცნ. გამოკვლევისა, მ. შ. ქართ. ფილოსოფიის შესახებ, ახლო ურთიერთობა აქვს ქართვე. კოლეგებთან (ს. შ. ავალიანი, გ. თევზაძე).

გ-ის სტატიები სისტემატურად იბეჭდება საქართვე. ფილოსოფიურ მეცნ. აკადემიის ყოველწლიურ გამოცემაში „ფილოსოფიური ძიებანი“. გ. 1992 მონწევით იმყოფებოდა თბილისში, წაიკითხა ლექციები თსუ-ში.

თბზ.: Philosophic Foundations of Genetic Psychology and Gestalt Psychology, The Hague, 1968; Contemporary Philosophy in Soviet Georgia, «Studies in Soviet

Thought», 1978, №18; Bibliography of Georgian Philosophy (1946–1976), «Institute of East European Studies», 1978, vol. 18, №13; Letter to the Institute of Philosophy of the Academy of Sciences of the Georgian SSR, «Studies in Soviet Thought», 1982, №24; Studia Georgica, იქვე, 1983, №25; Philosophy as Higher Enlightenment, N. Y., 1994; ხელახალი შეხვედრა მეცნიერების ფილოსოფიასთან: დიალექტიკური რეალიზმი, [მაცნე]. ფილოსოფიისა და ფსიქოლოგიის სერია, 1993, №2; ჩემი ფილოსოფიური მოგზაურობის გზანიშნულები (ბიბლ. ინგლ. და ქართ. ენებზე), იხ. [ფილოსოფიური ძიებანი], კრ. XI, თბ., 2007.

ლიტ.: ღია წერილი პროფ. ე. გოუბარს, [მაცნე]. ფილოსოფიისა და ფსიქოლოგიის სერია, 1979, №2.

ს. ავალიანი
